



832318

榴實山莊詩鈔卷六

寄巖伯雅太守

銜

江海交流處鶯花襍鼓聲書來聞警歎春好惜分攜舊
夢吟金馬新軍指水犀我思解簪紱歸與酌頗黎

題黃梨洲先生得硯圖摹本後

硯橢圓徑二寸有奇竹垞先生八分書忠端遺

硯四字背有陳章侯畫梨洲先生像題曰梨洲

先生得硯圖久香前輩摹搨屬題

榴實山莊詩鈔

卷六

一

廿一人同詔獄哀白菴留硯抵瓊瑰略無高邑鑄銘在
抗疏曾從擊奄來

袖底金椎恨已舒滄桑歸去讀楹書自甘抱硯隨終古

白髮姚江奉板輿

師友潛邱與戴山平生風義鎮相關當時海內談經席

更許亭林竹垞間

難弟餘年作畫師山樓諸稿有新詞想當聽雨連牀夜

應染霜毫共墨池

老去摩挲石骨堅零牋斷素幾雲烟閉門手寫南雷集



研過蟾蜍八十年

眉宇棱棱道氣清
精神如拜鄭康成
定知此硯流傳日
亦是千秋玉帶生

二月十六日出都門作

萬里歸來蹋輦紅
簡書又赴浙西東
宦遊多在皇華路
春色初生御柳風
匣鏡塵容新鬢改
郭門山翠舊顏同
卅年報國知何事
懷握丹鉛愧此衷

甯波試院夜坐懷楊子恂太史時客甯郡

海國新秋氣巖城
獨夜心驟涼
隨雨得歸夢
隔雲深拂榴實山莊詩鈔卷六

一一

几堆紅荔開軒動
綠陰遙知高館月
同憶故山岑

紹興試院詠桂花

畫簾西畔曲闌東
如粟花開冷露中
託體高寒有明月
聞香圓悟想宗風
幾枝秋入才人夢
何處山留隱士蹤
自笑白頭舊吳質
夜深無睡倚芳叢

曹娥江夜泊

曹娥江水清泚泚
淺瀨微瀾尺有咫
風力滿帆帆不前
坐對岸花與汀芷
材官叱咤舟子急
齊學鸕鷀水中立
邪許一呼船一移
船尾閒拋木蘭檝
夾船蹋浪生浪花

水底策策聲爬沙是時日落衆山紫但見高樹明餘霞
行路遲速亦有定江心住船萬籟靜新詩夜半扣舷歌
玉尺跳波如出聽憶昔乘槎萬里情白鷗浩蕩往來輕
越東山水秋逾好一任中流自在行

題劉笏堂太守琴窠圖

述德眷庭誥誦芬懷楹書澤溢栝棖外神戀菽水餘所
以東廣微笙詩補階除白華思舊蓓朱蓼而絳趺如磨
復如錯在涅貴不渝我覲劉葵州温温洵德隅言蘊蓼
莪戚常抱琴窠圖捧圖前致辭欲語先欲歔撫膺歎孤

榴實山莊詩鈔

卷六

三

露飲餐疑與荼十歲悲陟吧二十乾陰徂三十學從戎
橫戈攀蝥弧四十擁旌旄五馬專城居雖云專城居清
淚時在襦憶昔辟咄日卯角猶扶扶父曰嗟予子毋忘
母勤劬方亂事尊嫜媿媿東廂趨矜纓分悅管滄邁羅
盤孟上堂潔脯脯下堂甘蔬菹紅莧癩馬齒鬻糜供旦
晡茹辛十九年偕隱棲菰蘆藉紆內顧憂援琴得自娛
琴德信悄悄嗜與寢饋俱烟艇出冰霰山箒穿颺颺行
屨所涉歷終未離須臾心目寄吟綽形神皆安舒勗哉
此絃軫與爾爲菑畚斯言何諄諄斯臆徒區區寓物可

繪畫衷曲難追摹請寫寸草心字字珍瓊琚我聞心骨
涼展圖立踟躕想君接枹鼓喜君縮郡符郡當兵燹後
墟里靈榛蕪君來噢咻之邑邑咸昭蘇鏡中煦民物冰
上行吏胥野歌君憇樹庭頌君懸魚窺君淡泊志飲水
仍自如乃知設施異皆緣懷抱殊疇能悟琴理和平無
齟齬疇能咬菜根清節無苞苴疊疊不匱心永承承令
譽再拜爲此詩彈豪操簡觚我懷正靡及從君爲咨諏
東風吹皇華原隰將馳驅願言託金石各自勤居諸

題江筱城大令巢溪詩草

榴實山莊詩鈔

卷六

四

湘水層瀾擊檝來切雲冠影尚崔嵬雕冰雪成詩骨
管領湖山試吏才夢裏秋蘭綴處佩天涯芳草劫餘灰
鴟桴已歇絃歌起壇坫東南願共陪

題徐文長集

千巖萬壑擁天池幻出欽崎照海湄春雪蘆笙宣府曲
秋風席帽孝陵詩青藤屋老憑誰問白鹿文高受主知
豪氣江東曾一吐戟門樺燭醉歸時

題薛慰農觀察雲烟過眼圖八冊

椿庭侍讀

乾陰森廣處靈根啟華顛至今官閣燈夢懸秋樹影

棣萼談經

前襟而後裾伯霜與仲雪說經何鏗鏗三鳳河東薛

滁山村學

廣德漢三公直聲起敷奏當其棲菰蘆魯詩親教授

淮水秋風

赤石帆隨岸青谿笛倚樓只應女牆月曾見舊時秋

燕市紅塵

蹀躞復蹀躞黃塵烏帽底北望標觚稜南行列旌棨

榴實山莊詩鈔卷六

五

鴛湖春夢

沿湖種甘棠棠花映湖水棠下輿頌聲半入櫂歌裏

章門戢影

呵聲連烽色登樓斷雁聲迢迢章貢水三載若爲情

滬瀆從軍

和門張旌旃磨墨向盾鼻飛檄多文雄海濤苔鏡吹

秋夜懷嚴伯雅太守

華軒敞新構涼月生微波風響庭樹秋流影交烟莎靜

言對樽酒思君隔關河寄我書十種承惠宜稼堂叢書金薤森

駢羅自笑光炳燭與寔難摩讀書洵可樂塵事時相
磨安得謝簪組棲聲向巖阿架上萬軸書門前三頃禾
洱海碧齋滌陞山青迤邐長風拂曙袍鋒車輕萬里六
詔尋舊碑五華擷芳芷君當統綺年朗若鸞鵠峙隨我
渡蘭滄繩橋絡山趾蟲沙看蠶觸烽火照牕几雲烟雖
過眼人物可輪指義靈無頓轡廿年如激矢君聽吳江
楓我飲聖湖水宦游同未歸家山喜尺咫

抗心希古哲循吏多詩人性情入風雅醞釀能深酌香
山自澹蕩眉山自嶙峋領郡歷蘇杭與物爲陽春至今

榴實山莊詩鈔

卷六

六

山水間千載留音塵君詩漱瓊玉飛藻還蘊真初振扶
桑策五馬驅雙輪願言抒夙抱與古相陶甄海上笳鼓
靜湖堧樓閣新千里共明月蘭佩秋同紉

和馬穀山中丞入闈監臨偶成原韻

鸞鵠天書

紫禁頽鏤闈重許應龍攀三層楹碣生坻嶸十隊弓刀
肅鬣般鳳唼堂來蘇玉局虎林軍憶李光顏請磨百尺
燕然石好紀功勳勒郡山

支軫南馳露網車碧山紅樹朗襟舒手提玉尺羅羣彥

墨灑金壺熟寶書自昔會稽多竹箭卽今交泰拔茅茹
李暮掀笛宮牆外竊聽霓裳却笑予

鵝行猶作鷺鷥盟同是文壇久執衡珊瑚才搜滄海富
玉壺心比聖湖清夢懸魏闕觚稜遠秋入錢江鼓角晴
又見宗工收杞梓他年箸作備承明

廣廈沈沈構衆材沈寥天宇仰宏恢秋客老圃尋黃菊
佳句崑山采碧瑰相士我慙窺豹見濟時人負卧龍才
東南徧造蒼生福不爲湖山弭蓋來

喜晤王少鵬通政同年兼讀龍壁山房近稿

榴實山莊詩鈔

卷六

七

岩堯千仞山上有松柏列黝糾挺奇姿礪礪抱勁節旣
丹巖廊楹復卧澗壑雪澗壑多沍寒終不因人熱班馬
聲念羣搗麝香滿屑懍懍塵露心宛轉難決絕莫向曲
轅社甘爲散木說道旁匠石顧迴腸曰苑結

東華並車騎憶住宣南坊衡宇雖匪對有巷通青楊巖
冬夜半起曠宇星煌煌連鑣蹴冰響馬背浮新霜接袂
人間闔各各趨明光賜沐偶清暇證古尋縹緗崇雲非
一容健鶻無定翔誰知緒風候復御西湖觴

五色冰蠶絲宛轉織湘綺蕙蕙魚尾紅燐燐鳳毛紫素

手工剪裁雲霞生尺咫殷勤置懷袖顛倒思縈首蕭晨
森萬木長飈海濤起三讀纏綿詞龍壁峙窗几留君度
歲寒縑素商文史隱隱盤迴心不盡錢江水

讀張仲甫年丈錢壽軒集卽題重遊泮水圖冊

客鬢飄蕭悟幻塵歸尋笠屐聖湖春淒涼唱徹開元曲
猶有何戡幾舊人

釋例談經擁絳紗等身書已刻麻沙不須讀盡征南說
知異公羊賣餅家

老去昆池見叔灰名園無復舊樓臺會當丈室編詩鐸

榴實山莊詩鈔

卷六

八

再寫香山樂府來

夢裏緇帷冷化烟文絃重聽泮宮前芹牙新簇春波綠
檢點衫痕六十年

題楊貞女傳

貞女鄞人字同邑葉金齡未婚而葉亡截髮自

誓乃歸于葉事舅姑以孝聞咸豐庚申浙東有

警貞女密縫衷衣爲投井計旣而城圍解逾年

以病卒有所樹橘花實十餘年一夕而枯貞女

之兄編修泰亨爲之傳

濂濂增冰皚皚素雪展如之貞儷清姬潔緊貞維何柏
履筠綦善心悃嫵式禮稱詩婉彼女蘿施松遲卜夏綠
霜凋化爲貞木儀彼兩髦截此曼鬢淒颯動幃真宰訴
天妖氣布聲聞而誓并天戈一麾虹竄不飲中庭有橘
隨爲榮枯節凌碧落病掩黃壚明山有阿鄞江有沱彤
管作歌貞碣峨峨

正月十四日衢州試院

穀江畫舫又輕乘近郭春波綠幾層太末峰巒雲外樹
上元樓閣雨中燈劫殘東浙留山郡

頻年兵燹
衛城獨完

暖入南

榴實山莊詩鈔

卷六

九

檐釋硯冰隸几重繙者舊傳昔賢琴鶴獨峻嶒

蘭溪

蘭溪溪水碧一月兩停舟野鷺隨波路春燈出市樓客
心芳草遠山影暮雲稠亦覺塵勞甚何能說倦遊

嚴州試畢將迴杭城賦呈聽香庾山均穆三先生

惆悵湖雲歲屢遷倚樓看鏡感華顛人懷絲竹中年後
春滿鶯花上已前隔院松濤生晚吹抱城山翠起晴烟
輕帆却恐桐江路詩思遲于下瀨船

驟暖風光換袂衣懸知水驛勝驂駢不離文字爲遊宦

未到家園亦賦歸行篋又添書數卷開簾初見燕雙飛
明朝準擬嚴灘泊同撥煙蘿問釣磯

奉懷同年王少鶴通政詩以代柬

海潤隨蕃舶春深返桂林遠尋越華館來聽女嬰砧竊

窺紅蕉影蒼涼白髮吟珠江商去住難定客中心時少鶴附

輪船至廣東省其姊年八十餘

題秋蘆泛月圖卷

水月澹可掬秋痕涼上衣荻花滿烟艇不見一鷗飛詩
夢入清曠琴心無是非此中有名士何處訪漁磯

榴實山莊詩鈔

卷六

十

還山行贈慰農觀察

慰農引疾歸闕五月復來杭州名刺有還山字

鳳凰山高秋煙平鴛鴦湖冷秋月清五馬躊躇向秋發
商音寫出還山行還山山中猿鶴喜曉開蕙帳宵桂楹
眼底葳蕤掃蕨盡瑤草可種烟可耕南譙北譙渺千里
銅官何處尋柴荆還山苦難買山住如善弈者無楸枰
笑君漫浪動歸興泥我顛倒生離情將以助高唱秦簫
湘瑟緜續笙將以侑芳酌霜蓄露葵尊絲羹坐中絳樹
轉妙響聲聲不似驪歌聲我更從君飛一觥知君欲與
鷗鵬爭九萬扶搖六月息偶同寥廓翔鷓鴣詩人領郡

有成例香山玉局來雙旌湖上句留各再到松島蓮寺
尋前盟絳雲淪淪舒卷輕秋氣沆瀣明霞明瑯琊近接
故山路莫問歸雲山洞名

紫陽書院十六詠次山長孫棐西觀察同年韻

樂育堂

漢時重說經五鹿迺有客折角非朱雲何以謝請責觥
觥今紫陽初旭樽桑赤山海人吟袖金絲出講席獨抱
遺經人將從請詮釋

五雲深處

榴實山莊詩鈔

卷六

七

匠心啟翹秀餘事潤花竹拾級居五雲湖氣滃牕綠
廈庀衆材元圃積羣玉中藏書萬卷流覽寓心目往往
讀未竟飛鞋引華轂

春草池

池塘生春草康樂真詩流何必夢惠連緝旨爲星稠方
池僅一畝綠淨如靈湫倒影寫亭閣潛鱗亦清幽尋樂
有莊惠竟爲濠濮游

凌虛閣

山石侍峭蒨池波漱寒泚我知閣中人斷非肉食鄙澄

觀溯真源集虛悟妙理趵然有足音亦生空谷喜莫學
凌虛臺寄興在山水

簪花閣

蘭芷升紫庭歲爲多士喜科目自隋唐偉望常出此茲
閣我切雲題勝緬君子昔年司馬公簪花聊舉似諸生
春宴時亦當如此矣

別有天

灌叢藏岫狄古薜留壁蜿蜒洞天三十六落吾屐齒前咫
尺得靈境御風何冷然似聞跼山骨遠自南渡年倘遇
榴實山莊詩鈔卷六
王子喬駕鶴飛聯翩

三

尋詩徑

詩意滿大地俯拾時亦佳語其所深至瀛海茫無涯沈
酣研故籍昭曠抒天懷中聲入風雅金石相和諧只許
自尋覓勿爲人差排

巢翠亭

濕翠涼入衣寒泉響遠滴迴若巢甫巢危亭俯峭壁露
桐氣蕭穆風篠韻淒淒激束琴欲忘言定境破喧寂片雲
湖上來流影淡難覓

螺泉

靈泉湛演漾細脉伏巖穴試與酌紅螺飲之甘且冽一泓瀉杯中卷簾有澗泐在山復出山不改性寒潔爲占山下泉欲作蒙卦說

鸚鵡石

聖湖湖畔山奇絕飛來峯茲石定飛來翠苔成翫茸若疑無慧舌如冰語夏蟲我欲對作賦深慚禰衡工不如製酒杯雜置窪樽中

筆架峰

榴實山莊詩鈔

卷六

十三

三峰矗如削尺五高去天丹霞絢作柱碧霞圍作椽裁量欲架筆其筆干青雲勿樵采玉賦詹詹爲小言筆所未到處氣已雲夢吞

垂釣磯

磻石倚雲水分得蓬萊根未必釣名客肯此尋漁竿或有煙波徒晨夕相盤桓意釣不在魚大隱不在山安知坐茅者韜畧非槃槃

校經亭

漢學有師承羣鳥隨孤鳳故訓嚴一字手校勝口誦何

必說稽古十萬言，妙用迢迢鄭公鄉。邈邈夫子甕，我登
校經亭，皓首慚夢。

觀瀾樓

海上生銀濤，如山擁樓前。但駭赭龕險，誰窮潮汐源。觀
水自有術，斯言仰繹山。區區枚乘筆，蠡測何能寬。行當
秋汎至，携客扶層闌。

景徽堂

東堂鬱新構，軒楹特高敞。堂顏景徽國，聖學期共仰。虹
井接洙泗，前繼復後獎。我家文公里，受書知嚮往。洎今
榴實山莊詩鈔卷六
猶憎道遠寄千載，想

十四

聽經巖

我愛孫夫子，溫雅而魁奇。出慰霖雨望，處作泉石依。闌
巖名聽經，如銘列東西。願言守師說，勿爲俗學移。通經
能致用，應憶聽經時。

秦淡如觀察屬題西湖蘇公祠圖卷

玉局新祠對聖湖，寒雲瘦日滿平蕪。風流祇有秦淮海，
親拜孤山笠屐圖。

黃蕉丹荔各芳菲，塵海重來景物非。七百餘年無恙在，

大江東去鶴南飛

眉州翰墨結前緣香界樓臺仰昔賢更着新詩圖畫裏

繼東坡集有斜川

祠爲小峴先生觀察浙江時建繪圖賦詩今淡如觀察莅浙重修之是亦

長公之有叔黨也

九龍山麓舊清門萬軸烟荒寄暢園湖上巢痕秋色外

獨攜遺卷薦芳蓀

富陽晚泊

隋岸依山立孤城逼水開人家足蝦菜樓堞上莓苔霸

氣江東歇秋聲雁外來夜聞鄰舫笛載月睦州回

榴實山莊詩鈔

卷六

五

巖州道中

路轉聞灘響江清見石紋水村全隱樹巖屋半棲雲百

里鳴根接千山落照分蒼然秋色滿何處覓桐君

處州道中

仄磴紆桃嶺輕裝便筍輿露花薺白處霜葉柏紅初秋

老仍行役山空孰隱居梯田高百尺辛苦此菑畬

永嘉江中謁文信國公祠

旌旗昔指翠微山

翠微山與祠門隔江相對

丞相軍容水石間碧

血有靈孤嶼在黃冠無地脫身還西臺落日歌朱鳥東

海鷺濤墮白鷗欲薦江蘋祠屋冷霜天杉檜立孱顏

江心寺題雪帽方丈

山郭千家見香林一磬閒海潮心半偈樓閣水中間雲
濶帆無礙松高鶴未還迴看蘿徑外雙塔夕陽殷

除夕

甲子金華乙丑紹興丙寅甯坡

三郡經除夕屠蘇酒興添能教塵事少翻喜客途淹留
墨裁春帖移梅近畫檐垂燈閒守歲料理補書籤

泊陶家堰

一棹曹江路新春旅泊時畫船聽雨近野館試燈遲淺

榴實山莊詩鈔

卷六

六

醉依書帙輕寒擁被池越州明日到巖壑想奇姿

春晚嚴州

傳舍無花事春山試茗材長吟棲鳥定宴坐好雲來塔
勢當樓直江聲抱郭迴兩餘圍衆綠節侯近恢台

嚴州試院贈芻堂太守

疊鼓迴鐙對茹蔬冲襟不改布衣初舊遊躡屩經滇蜀

快事開山得堰渠

太守昔曾徒步至蜀滇以覽諸勝守金華時鑿山一百五十餘丈引水溉

田以爲民利皆是夕所談事

地瘠培能生萬木江清寬可育羣魚從

知慈惠稱師處循吏心勞勝著書

題夏氏二烈女傳後

雲木葱龍豺虎列怪鳥晝嘯煙竹裂前山後山蹊徑絕
中夜雪花綿凍折夏家雙珠環佩結朝對飲水暮餐雪
瘦影伶俜雪熱黃獨無苗石難屑七日空山骨化鍊
霜嚴月冷照斷玦青女素娥亦嗚咽天戈滌蕩妖氛滅
煌煌紫泥表雙烈雪色晶瑩山截薛

薛慰農主講崇文書院四月廿有八日邀同敷文

書院沈念農詒經精舍沈菁士紫陽書院孫琴

西東城講舍高伯平四山長譚仲修監院爲靈

榴實山莊詩鈔

卷六

七

隱之遊詩以記之

竹輿出西郭萬綠蕩湖影未探雲麓勝取徑已幽迴沿
緣得精廬有客簪綾屏小集招六逸花鳥向人靜入門
催脫巾把卷忘啜茗同餘腐儒氣如木難割瘿山靈厭
冠蓋轉喜吾曹冷作態相媚嫵我髻愈修整娛人生清
暉窈眇心各領惜哉紫陽翁黃鸝謝三請

遲琴西不至

言設伊蒲饌迢遞來香林臺殿起灌莽鐘磬沈梵音疏
寮何間寂層巘猶蕭森山雨空翠溼湖雲當晝陰復枉
亭上展聊散風前襟妙明悟止水曠邈怡高岑愛此松

檜色不受劫火侵落日塢輪小暝烟城闕深歸路撥菰
蔣格磔聞水禽夢想寫幽興付之清夜琴

連緒齋將軍招飲西園卽題其詩集

詞翰高羣雅湖山倚上公秋澄吹角外春釀詠詩中竹
柏經霜翠樓臺落日紅西園新結構憑眺一尊同

題秦澹如觀察西溪紀游詩冊子

蘆花萬疊檣雙枝裘屐同游釀雪時雲水光中三十里
半尋畫稿半尋詩

老木修篁石墜平佛廬鐘磬梵音清西溪亦似西湖好

榴實山莊詩鈔

卷六

六

誰肯煙波冷處行

榴實山莊詞鈔

吳存義 和甫

水龍吟

遊水繪園

霜林寫影模糊夾隄瑟瑟波痕碧最淒涼是短雨凌晨
長煙盪夕墮夢鶯花吹塵樓閣秋雲無跡賸幾稜瘦石
一畦寒菜蝸篆滿題詩壁 當日飛觴促席盡東南酒
兵詞客艷敲吟盞香兜歌扇紫雲親拍絕代風騷終年
絲竹瞬成今昔記尋幽初到分明水繪有自題額

榴實山莊詞鈔

一

如夢令

鎮日搓花團絮春被東風催去燕子定歸來輕語商留
春住記取記取儂在亂紅深處

百字令

蜻蛉燈

金迷翠薄仿唐宮花樣者般細綴粉蝶比輕蜂比瘦還
把鈞絲略繫點水欲飛禁風仍弱偷眼紅妝避青珠照
夜汀花欄角同麗 幾見蕭蕭斜扶玉搔暗上故向檐
楣睇寄語膠竿休作劇不是草根一例翼剪紗明髮垂

釵墮舞扇歌筵際金錢買得青亭小字重記

前調

螳螂燈

裁紅暈碧便居然瘦影捉來小圃底事當筵撐怒臂火
氣讓伊略吐凍鵲偷窺吟蟬懶覓有玉屏珠戶澹無葉
翳月明元夕三五 記否藤格尋香豆棚抱露花夢藏
酥雨誰向鬧蛾時節裏繪出草蟲新譜琴調驚移蒼痕
斜映添上蛻膏炷千影萬影美人還祝秋乳

前調

榴實山莊詞鈔

二

蟋蟀燈

試燈風緊向半閒堂裏先探涼思笑作世間兒女態指
點金鷺十二宰相風情將軍火色心熱真如醉豪情欲
鬥夜來請與君戲 祇爲吟俟秋來織防嬾促聽鼓挑
香穗花瓊九微飛片片添得盧郎賦意綺壁虛懸銀牀
漫入不用戩金器今年芳草王孫歸趁春麗

前調

蝴蝶燈

鬪歌聲裏正春風緩緩南園草綠粉膩脂勻香夢穩誰

剪繡裙半幅逐絮偎雲穿花妒月腰瘦明如玉夜闌醉
淺羅巾簾畔休撲好是翠袖扶烟紅牕寫影一點藏
金屋斜拔玉釵輕剔穗細把謝家詩讀狸睡方酣鶯捎
休怯畫稿慵描續祝英臺近照儂填就新曲

高陽臺

題蘋秋修篁馴鹿圖

秋意吹雲涼痕閣雨潏來滿幅湘烟中有幽人獨吟翫
展翩然輞川鹿柴重收拾結維摩畫裏因緣羨此君風
格招客皆僊紅心草徧胥臺路早蹋殘花底夢醒蕉
榴實山莊詞鈔

三

邊好養新茸深山綠倚苔眠蕭疏更襍風篁韻攬鳴聲
寫入文絃儘行吟琅玕万个銀字十年

醉太平

春山翠蛾春江翠螺半篷絲柳斜拖點桃花不多晴
莎雨莎長歌短歌醉來卧穩烟波吹楊花滿蓑

百字令

題范廉泉明府松閣讀書圖

坐三層閣正翠倦零濤涼翻碎雨十丈軟紅蘿徑隔烟
外春扶花補鑄石書顛說雲詩瘦山態排疏戶松風謾

謬是先生讀書處 廿載剖竹西湖種桑東海破曉聽
衙鼓烏帽黃塵雙鬢改依舊萊蕪一甌萬里琴孤九天
鶴老此意憑誰語軒眉獨笑百城高擁如許

賀新涼

題謝石癯虹樓集

倚酒狂呵壁笑杯中吸乾翠海唾壺一擊裂石崩雲秋
響迸不是人間箏笛有多少豪情鬱勃六十功名詩卷
裏更高歌拈得蘇辛筆直飛起點蒼雪 蠻花犵鳥滇
南驛算我來尋秋萬里初申良覲絲竹東山公老矣袖
榴實山莊詞鈔

四

滿江紅

和楊嶰谷甲辰榜後自嘲原韻

卅載觀心怎稽操無端搔首況君是妙香墮地便聞獅
吼笑說道原存瓦甓憑他佛竟呼茗帚又何須幾朵月
中花爭先後 觀平等尋禪叟餘結習招詩友休再教
風雨把秋孤負我有一言君起舞破除萬事無過酒且
提壺蹋碎五華山酣重九

浪淘沙

青嶼湖在雲南縣青華洞左湖上晚眺偶賦

山翠冷難收瀉入湖流斷雲零樹畫深秋如此烟波三十里沒箇漁舟
隔水喚沙鷗與約重游可能讓我住汀洲前種芙蓉旁種芡中起層樓

金縷曲

爲朱巖泉題萬松圖圖爲梅瞿山畫介施愚山先生六十壽巖泉購藏徵詩成冊

滿幅秋雲溼看蒼涼烟痕濤影陡生素壁笑醉學餘堂榴實山莊詞鈔

五

上酒聲壓南飛孤笛想讀書幾人岸幘當日蠖齋詩話出瀉松風恰稱鴻詞筆聽謾謾浮新墨
百年吟夢琴尊歇問巢痕橫盤老鶴舊枝難覓好繼宣城壇坫起先潑一樓翠色把煤尾蛛絲購得十樣蠻賤遙索句儘奇情冰雪隨鐫刻書畫舫此標格

雨中花

飛幾葉乾紅到地便釀出西風滋味支枕花邊看雲雁外兜起心中事
烟竹露松生晚吹又添得許多秋意一棹純鱸五陵裘馬與鶴閒商議

南樓令

題讓舟上人螺月樓詞稿

螺月住單椒鶯花數六朝西湖一角等閒拋又抱冰絲
深夜撥聲寫出白門潮石屋新宮徵山厨舊笠瓢佛
燈秋影鬢蕭蕭樓閣幾層鐘幾杵忘不了舊金焦

菩薩蠻

題畫梅

暮笳曉角山城閉

時滇省多故
城門晝閉

對花料理消寒計吹徹

玉參差梅花閒不知

層雲生雪意自起開牕雁水墨

榴貫山莊詞鈔

六

寫橫枝纔交三九時

清平樂

畫折枝芍藥贈尹殷儒同年入都

鶯爭燕鬥莫把吟鞭逗雲外山花紅似繡開到可離時
候蠻烟瘴雨相思筭添萬里新詩好約豐臺酒伴軟
塵重醉花期

望遠行

聞蛙

鷓鴣嘯倦蘋花暝吠蛤驟喧前浦綠衣詫夢丹篆拋符

何處孤雲莎雨便作諸天梵
喟料難一喝催醒官私伴
侶祇聲聲攪得池塘鞦韆
寄語我亦嬾拖青紫待買
滄江歸舫草屨撈蝦竹弓射鴨
與爾煙波爲伍
暢好黃梅時節
蜘蛛屋底忘却六更鐘
鼓向枕屏飽聽笙歌兩部

減字木蘭花

年時端節香螺盞底青蒲眉
輭葛輕羅記得東華散玉珂
而今萬里楫欄庭院涼如水
怪雨盲風安石榴花一樣紅

榴實山莊詞鈔

七

虞美人

新晴

碧闌干外扶花起
乾鵲聲先喜
衣篝腕褪鷓斑香
恰好昨宵新剪掃晴孃
纖雲不動浮嵐遠
破曉開池館
西萍烟絮漲平隄
隄畔么荷綠過畫橋西

水調歌頭

武鄉侯祠有感

粉蝶悲笳起
落日滿叢山
靈旗山半斜
捲冷翠滴松杉
當日戈船瀟水一霎風雲戰
壘談笑靜烏蠻
何處叩銅

鼓纏白舞花鬢 蝸角裏鳴箭鏑響刀環簡書萬里千
里猿鳥不能閒可有綸中羽扇可有青霜紫電懷古意
漫漫檻外瀆池水嗚咽亂峯間

如夢令

新月

蟬翼紗裁方空漏出蛾眉雲縫淺笑撥簾看驚起刺桐
么鳳香夢香夢花影壓衣涼重

醉春風

歸思

榴寶山莊詞鈔

八

池閣雲迴互石竹風枝梧坐闌有鳥勸提壺住住住翠
海抽琴紅山支笏茫茫烟樹 鐘鼓催朝暮魚雁沈殘
素杜鵑又勸不如歸去去去蝦菜秋船鶯花春店迢迢
波路

酷相思

芭蕉

綠滿花天陰颯爽一葉葉凌風上便隔斷輭紅將十丈
有雨也瀟瀟響無雨也瀟瀟響 雲藍種就書誰仿搖
曳青蘿幌好鋪向桃笙容偃仰有夢也非非想無夢也

非非想

買陂塘

金銀花

倚芳叢零環碎珮雕闌夜識花氣粉痕檀暈輕綃剪細
綴幾絲烟穗青瑣地倩綠架扶來寶帳流蘇繫鏤瓊刻
翠正雪豔調水雲腴鬪茗涼沁碧甃膩聽名字便想
紫標插記助人多少豪思珠塵錦障當筵舞笑煞齊奴
風味黃白易問瑤鼎丹鑪大藥神仙祕思量無濟且朱
鳥牕邊紅麩枕畔清抱冷香睡

榴實山莊詞鈔

九

臺城路

十年不蹋青溪路昔游夢痕重歷吹絮樓臺藏烏楊柳
多少六朝香蹟豔歌數疊有鏡檻搖波鐙船盪夕滴盡
蓮花水邊猶響隔簾笛寒潮飄折鐵鎖賸石城艇子
蕭瑟秋荻灰冷紅羊桁拋朱雀誰問渡旁桃葉蔣山暈
碧怕舊燕斜陽都迷巷陌算最無愁女牆深夜月

江城子

試院久扃庭草滋綠長日懸鵲習射其間詞以
紀之

照廊久冷白蓮風草鋪茸碧濛濛說劍拈碁六博且從
容君展分曹招近局花影裏試雕弓團圓畫的濛晴
空日華濃暈重重聽餓鴟聲雲外落驚鴻奪得錦標天
一笑圓漏出斷霞紅

南歌子

胭脂烏

嬌小宜金谷輕盈露翠叢茜痕畫出費天工飛向佛桑
花底說東風北地山無艷南朝井不濃簾衣開處有
渠儂鏡裏櫻桃一點比他紅

榴實山莊詞鈔

十

滿庭芳

苔

牆角繚青輒拗泥紫繡來一徑纖妍飛花疊草着意與
纏綿生怯藤鞵蹋損又偏是篆上蝸涎凭欄笑笑他熱
客道似沈郎錢芊眠深院裏銅鋪閉雨金井凝煙有
秋痕處處春夢年年水驛山郵都見芳踪筭未到湖船
閒合睇思量海國九萬爲題箋

西江月

署右荒畦雜蒔蔬葍露晨烟夕有老圃之思焉

因綴四闋

庾信小園闢就杜陵長鏡攜來黃塵烏帽夢初回且學
閉門種菜 前度春陰潑火者番天氣迎梅紫茄紅莧
滿棧栽不是邵平瓜賣

桐屐時逢山客松關自署園官敲根風味本寒酸請與
樊遲爲伴 外物悠然蟲臂累人偶爾豬肝掐葵剪韭
簇冰盤晶飯東坡可款

菘甲樹邊分隴畦丁竹外連筒隔溪飛過信天翁看我
夕陽抱甕 燒笋園林春雨豆花籬落秋風葫蘆長柄
榴實山莊詞鈔

十一

問江東惹起十年鄉夢
南微雲烟多幻西園風露餘香陸璣草木細思量仍是
書生伎倆 薑蒜帷屏挂久朮芝藥籠收忙菜園踏破
有黃羊回望玉堂天上

滿江紅

讀迦陵詞集題後

江左風流讓髻也酣歌金戩想當日艷情豪概墮簪岸
幘梁苑樓臺秋泊酒蕪城花柳春橫笛畫圖中側帽喚
詞人聲淒咽 金縷曲將雲別銅仙淚如鉛滴恰摩空

作賦天垂海立白髮宮袍蓬島雨紅心香草蘭陵雪悵
東臯水繪舊苔綦波凝碧

木蘭花慢

滇南對月

想霓裳舞倦扶七寶上雲車正玉宇高寒銀河迢遞珠
斗橫斜層霄俯窺碧海問無眠吳質可思家萬里風搖
環珮一庭露溼松花 凭闌人靜樹棲鴉彈指數塵沙
記綿嶠鳴珂滄江撼笛古驛聽笳細思半生蹤跡有水
輪伴我度年華今夕醉歌水調山河影裏天涯

榴實山莊詞鈔

三

望江南

江南憶畫舫柳邊隄綠玉簪斜蟬鬢薄紫蕉衫窄鳳簫
低隱隱唱前溪 蘭槳動波與水臆齊茉莉膩香生翠
羽枇杷涼夜沁紅蠶吹夢蕩花西

浣溪紗

香水溪前響佩環若耶波影冷按藍春磯難認舊苔斑
梧苑葉飄麋鹿杳戢山花落鷓鴣閒五湖畫屨幾時

還

烏夜啼

尋秋夢幾重山
驀驚還但覺月
棱微側被棱寒
黃雲
晚青陵遠沒牽
攀却憶白門楊
柳綠漫漫

青玉案

劍俠傳題詞

聶隱娘

朱門畫閣人嬌小
騰峭壁追飛鳥
羊角劍鋒藏入腦
歸
尋夫婿愛他磨鏡
明月團圓好
夜來紅白雙幡繞
笑
一擊空空已杳願
向海山重訪道
如何跨衛不隨頁
局
偕隱同桓鮑

榴實山莊詞鈔

三

紅線

雀釵鬢髻龍文掣
御風去身如葉甲
仗交羅森畫戟沈
沈玉帳輕輕金合
碾了將軍魄
魏城冷看銅臺月
七
百里漏聲三刻惆
悵神仙催賦別洛
妃乘霧碧天無際
縹緲歌蘭楫

磨勒

緋桃一飲金甌露
雲悵隔蓬山路三
五月明扇繡戶珠
璫暗解玉簫愁倚
有夢無尋處
鍊錐夜半纔輕舉
渡
銀漢紅牆不阻海
燕雙棲秋隼去笑
他捧劍偷閒自詠

青鳥葡萄句

虬髯客

畫衣素面天人偶排闥至
絲蘿就靈石萍蹤奇邂逅
一時環坐英雄兒女咄咄呼杯酒
當年逐鹿風雲驟驚
斂局棋枯難救百萬金錢輕脫手
鼎鐘闕下旌旗海上
同是成功候

浣溪沙

翠縷挑成韻字紗
倦依簫局按紅牙
日痕纔上馬櫻花
璫瑁釵梁雲影膩
芙蓉裙衩水紋斜
更攜繡帖過西

榴實山莊詞鈔

古

家

臨江仙

書陰

池館潏成濃綠影
山烟水霧冥冥似春陰
又似秋陰蝶
拋吹絮夢燕冷蹴花心
結就癡雲偏閣雨
鶉鳩喚也
難晴酒懷琴趣費沈吟
無端閒觸撥何事悶侵尋

調笑

唬鳥唬鳥簾外落花多少
一春絃索瓊瓏記曲箱中豆
紅紅豆紅豆羨汝想思不瘦

宴清都

竹醉日

舞態僊僊起憑誰取鶴觴飛餉千里葡萄一斗菖蒲九
拜爲君送喜薄寒翠袖扶頭酬勸處吹花嚼蘂盼酡顏
酣笑迎風粉痕湘淚輕洗朝來吟嘯陶然圓運心性
酩酊丰致玉山未倒願招紅友長陪青士又教荷鍾劉
伶將紫鳳碧鸞同徙看明春卧酒時光錦綉稚子

沁園春

自題歸耕圖

榴實山莊詞鈔

五

歸去來兮乘下澤車耕下溟田有草堂五架插籬樹底
菜畦幾稜抱甕花邊放鴨闌成相牛經熟農丈人來笑
拍肩餘豪興偶自題酒庫高詠租船年年南陌東阡
問雨雨晴晴只聽天看兒童冬學村書字大婦姑夜織
筒布機連老矣無能清時有味不住蓬萊亦是仙齊心
願願歲多稌黍地少風煙

蝶戀花

清江道中

杜宇催人嗔不住采徧文蕪歸夢春無數正是歸來春

好處杏花時節江南路
輪與長淮波上鷺看脫征驂
又挂征帆去百種離情難自訴東風吹滿隋隄絮

榴實山莊詞鈔

六

